

實相般若波羅蜜經

七十二
翔十一

47506



元祿九年丙子二月日重脩

皇圖聖業圖 帝階綴昌

佛日增輝 懋輪常轉

山城州天安寺法金剛院置

大正

實相般若波羅蜜經

南天竺國沙門菩提留志等奉制譯

翔

如是我聞一時婆伽婆以善成就一切如來
金剛正智之所建立種種殊特超於三界灌
頂寶冠摩訶瑜伽自在無礙獲深妙智證平
等法所作功業皆已究竟隨衆生心悉令滿
足三世平等常無動壞三業堅固猶如金剛
普光明身住欲界他化自在天王宮殿之中
其王宮殿種種嚴好皆以大寶摩尼所成繒
蓋幢幡衆彩交映珠纓寶鐸風動成音一切
如來常所遊踐咸共歎美吉祥第一有菩薩
摩訶薩八千萬人前後圍遶供養恭敬佛為

說法初中後善其義深遠其語巧妙純一無
雜清淨圓滿其名曰金剛手菩薩觀自在菩
薩虛空藏菩薩文殊師利菩薩轉法輪菩薩
降伏一切魔菩薩如是等菩薩摩訶薩而為
上首今時世尊在大眾中為諸菩薩說一切
法自性清淨實相般若波羅蜜法門所謂愛
清淨位是菩薩位見清淨位是菩薩位深著
清淨位是菩薩位悅樂清淨位是菩薩位藏
清淨位是菩薩位莊嚴清淨位是菩薩位光
明清淨位是菩薩位身清淨位是菩薩位語
清淨位是菩薩位意清淨位是菩薩位色清
淨位是菩薩位聲清淨位是菩薩位香清淨

位是菩薩位味清淨位是菩薩位觸清淨位
是菩薩位何以故一切法自性清淨故一切
法自性清淨即般若波羅蜜清淨今時世尊
說此法門已告金剛手菩薩言金剛手若有
人得聞此一切法自性清淨實相般若波羅
蜜法門一經於耳是人所有煩惱障業障法
障極重諸罪皆自消滅乃至菩提不生惡道
若復有人能日日中受持讀誦思惟修習即
於現身得一切法平等性金剛三昧餘十六
生當於一切法門而得自在遊戲快樂乃至
當獲諸佛如來金剛之身今時如來即說呪
曰 唵長呼 今時世尊復以一切如來普光明

相為諸菩薩說一切諸佛寂靜性成正覺實
相般若波羅蜜法門所謂金剛平等成正覺
大菩提堅固性如金剛故義平等成正覺大
菩提一義性故法平等成正覺大菩提自性
清淨故一切平等成正覺大菩提離一切分
別故尔時世尊說此法門已復告金剛手菩
薩言金剛手若有人得聞此四種寂靜性成
正覺實相般若波羅蜜法門受持讀誦思惟
修習應知是人即得超於一切惡道疾證阿
耨多羅三藐三菩提尔時如來復說呪曰
唵長呼尔時世尊復以一切如來能調伏難調
衆生釋迦牟尼相為諸菩薩說一切法平等

實相般若波羅蜜法門所謂貪無戲論性瞋
無戲論性癡無戲論性何以故一切法無戲
論性故一切法無戲論性即般若波羅蜜無
戲論性尔時世尊說此法門已復告金剛手
菩薩言金剛手若有人得聞此一切法平等
實相般若波羅蜜法門受持讀誦思惟修習
假令其人殺害三界一切衆生終不因斯墮
於惡道何以故已受調伏心律儀故當知是
人疾得阿耨多羅三藐三菩提尔時如來復
說呪曰憾呼長尔時世尊復以一切如來自
性清淨相為諸菩薩說一切法平等性觀自
在智印實相般若波羅蜜法門所謂一切世

間貪性清淨。瞋性清淨。一切世間貪性清淨。
瞋性清淨。故一切世間垢性清淨。罪性清淨。
一切世間法性清淨。故一切世間
法性清淨。衆生性清淨。故一切世間
衆生性清淨。故一切世間智性清淨。
故一切世間智性清淨。即般若波羅蜜清淨。
爾時世尊說此法門已。復告金剛手菩薩言。
金剛手。若有人得聞此一切法平等觀自在。
智印實相般若波羅蜜法門。受持讀誦正念修習。
是人雖在五欲塵中。不爲貪欲諸過所染。
譬如蓮華。雖在淤泥。非泥所著。乃至疾得阿耨多羅
三藐三菩提。爾時如來復說。呪曰。 唵利

短呼

短呼

尔時世尊復以一切如來為三界主相為諸
菩薩說一切諸佛灌頂出現智藏實相般若
波羅蜜法門所謂灌頂施令一切得三界王
位故財寶施令一切得所願滿足故淨法施
令一切得諸法實性故飲食施令一切身心
獲安樂故尔時如來復說呪曰 怛纜長呼

尔時世尊復以一切如來常住智印祕藏相
為諸菩薩說一切諸佛金剛智印甚深處實
相般若波羅蜜法門所謂一切諸佛所攝持
金剛身印得一切如來真實體性故一切諸
佛所攝持金剛語印得一切法門自在故一
切諸佛所攝持金剛心印得一切三昧具足

故一切諸佛所攝持金剛智印得最上身語
心如金剛故尔時世尊說此法門已復告金
剛手菩薩言金剛手若有人得聞此一切諸
佛金剛智印甚深處實相般若波羅蜜法門
受持讀誦正念思惟當知是人則得成就最
上金剛印於一切智及眾事業皆得圓滿身

口意性猶如金剛乃至當成阿耨多羅三藐
三菩提尔時如來復說呪曰 阿 尔時世

尊復以一切如來永離戲論相為諸菩薩說
文字轉輪品實相般若波羅蜜法門所謂一
切諸法空無自性故一切諸法無相離眾相
故一切諸法無願離諸願故一切諸法自性

清淨般若波羅蜜清淨故尔時如來復說呪

曰阿烏舻反尔時世尊復以一切如來入

廣大轉輪相為諸菩薩說入廣大轉輪實相

般若波羅蜜法門所謂入金剛平等性得入

一切如來轉輪故入義平等性得入一切菩

薩轉輪故入法平等性得入妙法轉輪故入

一切平等性得入一切轉輪故尔時如來復

說呪曰嗑長呼尔時世尊復以一切如來大

善巧方便相為諸菩薩說最第一廣供養諸

佛實相般若波羅蜜法門所謂發菩提心即

為大善巧方便廣供養一切諸佛救護衆生

即為大善巧方便廣供養一切諸佛任持正

法即為大善巧方便廣供養一切諸佛。爾時
世尊說此法門已復告金剛手菩薩言金剛
手若有人得聞此最第一廣供養諸佛實相
般若波羅蜜法門若自書若教人書若自受
持若教人受持若自讀誦若教人讀誦若自
思惟若教人思惟若自供養若教人供養隨
其所作即為大善巧方便廣供養一切諸佛
。爾時如來復說呪曰 唵 長呼 爾時世尊復以
一切如來能調伏相為諸菩薩說能調能攝
一切衆生秘密智藏實相般若波羅蜜法門
所謂一切衆生平等性是瞋平等性一切衆
生調伏性是瞋調伏性一切衆生真法性是

瞋真法性一切衆生金剛性是瞋金剛性何以故一切衆生調伏性即是菩提故尔時如來復說呪曰 荷呼長尔時世尊復以一切如來住平等相為諸菩薩說一切法最勝平等性實相般若波羅蜜法門所謂一切法平等性故般若波羅蜜平等性一切法第一義性故般若波羅蜜第一義性一切法法性故般若波羅蜜法性一切法業用性故般若波羅蜜業用性尔時如來復說呪曰 頌唎長呼

尔時世尊復以一切如來為衆生依怙相為諸菩薩說一切衆生依怙實相般若波羅蜜法門所謂一切衆生是如來藏普賢菩薩體

性遍故一切衆生是金剛藏金剛藏水所灌
灑故一切衆生是正法藏是正言詞所說性
故一切衆生是妙業藏善巧妙業所運為故
尔時如來復說呪曰

底唎

呼長

尔時世尊復

以一切如來無量無邊際究竟盡相為諸菩
薩說一切法無量無邊際究竟盡平等實相
般若波羅蜜法門所謂般若波羅蜜無量故
一切諸佛亦無量般若波羅蜜無邊故一切
諸佛亦無邊般若波羅蜜一性故一切諸法
亦一性般若波羅蜜究竟盡故一切諸法亦
究竟盡尔時世尊說此法門已復告金剛手
菩薩言金剛手若有人得聞此無量無邊際

究竟盡實相般若波羅蜜法門受持讀誦正
念思惟此人所有一切障累皆得消滅究竟
無餘疾至菩提獲於如來金剛之身而得自
在在爾時如來復說呪曰驃呼長爾時世尊復
以一切如來離戲論祕密法性普光明相為
諸菩薩說大安樂金剛不空無礙決定入法

性無初中後最第一實相般若波羅蜜法門
所謂諸菩薩能廣大承事供養故得最上大
安樂得最上大安樂故得諸佛無上大菩提
得諸佛無上大菩提故能降伏一切魔軍降
伏一切魔軍故得於三界皆自在於三界皆
自在故能遍饒益一切衆生悉與究竟最上

安樂何以故頌曰

有最勝智者 常在生死中

廣度諸群生

而不入涅槃 般若波羅蜜

究竟方便智

能成清淨業 普淨於諸有

又以於貪等

調伏諸世間 乃至有頂天

清淨無違暴

在於生死世 世法不能染

如蓮華妙色

塵垢所不汙 大欲清淨人

大施安樂人

於三界自在 作堅固利益

尔時世尊說此法門已復告金剛手菩薩言

金剛手若有人得聞此大安樂金剛法性實

相般若波羅蜜法門於日日中每清旦時若

聽聞若誦念相續不絕當知是人所有罪障

皆曰消滅心常調暢第一安樂於現身中即
得成就金剛不空無礙決定入法復當成就
一切如來金剛秘密堅固之身尔時如來復
說呪曰 莎訶 長呼尔時世尊為諸菩薩說如
上諸法門已復告金剛手菩薩言金剛手我
此經典難可得聞若有得聞乃至極少至於
一字應知是人過去已曾供養諸佛於諸佛
所種諸善根何況有人具足聽聞讀誦之者
當知是人決定已曾供養恭敬尊重讚歎八
十億那由他恒河沙等諸佛若是經典所在
之處此地則為有諸佛塔若復有人愛重此
經常隨守護不離身者是人應受一切世間

恭故供養是人當得宿命智通能知過去無
量劫事不為一切天魔波旬之所擾亂四天
大王及餘諸天常隨衛護一切諸佛及諸菩
薩恒共攝受十方淨土隨願往生金剛手我
今略說實相般若波羅蜜法門功德如是若
廣說者窮劫不盡佛說此經已金剛手等諸
菩薩天龍夜叉軋闍婆阿脩羅迦樓羅緊那
羅摩睺羅伽人非人等一切衆會皆大歡喜
信受奉行

實相般若波羅蜜經

翔

喻

上羊
朱反

繒蓋

上

疾陵
之摠

反
名也

鐸

徒

各

反
也



頁	結	恒	莫	恐	游
依	纜	敢	作	踐	
怙	淡	反	捨	履	下
賴	反	郎	啗	一	音
也	音	阿	處	烏	也
戶	阿	出	感	哈	
驃	後	前	並	反	文
田	上	平	長	前	又
召	聲	聲	聲	後	有
反	嗑	呼	二	撼	合
又	呼	憾	反	胡	同
	敢	反	暗	音	胡
	又	哈	必	暗	反
	頡	利	不	重	然
	利	一	上	重	然
	胡	反	許	聲	下

